

卿悉之。初三日。師冬驅治久等。新附賊。抵村田莊。八日。進攻二城。官軍逆戰。頗有敗退者。是日。四保駿河守。夫妻削髮。遣其子。因幡守。代已降賊。先是。人或謂。彼必不能全節。然當初。彼託糧食。婦女於大寶城中。言四保不守。則當逃歸耳。已而至前月。末盡取移之。其城當時。有將士難之者。亦老夫不料其變操也。蓋諸方官軍之城。堅守不陷。加之陸奧出援。可必。則四保亦未至失大節矣。聞彼夫妻降賊之後。不復干預世事。是猶似少有人心者。可憫惜哉。傳言師冬發使。

陸奧誘卿輩降。頃者彼構講和一策。遣僧圓琳于城中。辯說百端。然老夫不敢答也。由是觀之。其遣使陸奧。亦出於此計也。卿豫能熟慮。待使至而答之。注日治久。啗其甘言。遂陷狡計。為近聞其奪官削地。憂苦懊惱。然以勢既不得已。勉強供賊役使。是豈可不憫笑耶。抑方今事勢。以卿所見。竟為何如。願卿罄丹衷慮之。嚮在小田城。接戰屢捷。糧食未竭。特以後援不至。城中生變。今者關下妻兩城。其主年齒皆未壯。且下妻部屬爭權不協。前日數輩出城叛去。其餘亦猶

各懷異議。但以有親王中將鎮之。未至激變也。然援兵尚或遲引。則有復不可測者焉。關城宗祐以退老人。挺節不撓。能扶其子周旋。兵食守備可支月日。然亦有羽太輩。稍復叛去。伊佐城堅守無佗。真壁西明寺亦執志不渝。而諸城皆既受圍。聲息隔絕。恐不能終保全節也。要之非陸奧出援。則常陸諸城決不能奏掃蕩之功也。常陸諸城不能奏功。則雖陸奧亦竟不能免其害焉。曩者卿每言待四近平定。率兵赴援。即如所言。所謂求諸枯魚之肆也。夫賊黨以為方今

官軍諸城無復有救援者。是以盤踞我兩城間。橫塞策應之路。當是時。苟出援兵。西明寺伊佐等地。則賊黨固恒怯。雖其兵騎僅二三百。彼必當散赴拒之。然則兩城亦得脫其圍而應之。田村石川輩。嚮數約以前月來援。至今未果。卿能趣彼輩。令將校紗領來赴。亦未為不可也。公義私情。唯卿是望。是以不辭煩瀆。屢次言之。願逆賊尊氏背天違命。不得令終亦明矣。昔者平將門鴟張。猶以六年伏誅。方今逆亂。不俟明年蕩平。識文昭晰。亦奚容疑。今上出於陸奧。而昇

天位苟致治平。豈有遺勲舊之理哉。况卿一門元弘以來。建功積勞。無有過失。乃父禪門。常所自負。且禪門每言。足利氏源石大將時。嘗所許抗禮。為結城氏子孫者。不互為之臣。是一矣。吾家鎮守府將軍以來。奕世不墜。弓箭之譽。不可與侘怯弱族為伍。是二矣。禪門每以是二事。誡子孫。卿豈忘之邪。下妻即大寶。禪門謂道忠也。書至白河。親朝尚復不出援。白河文書。

按西明寺下野芳賀郡益子村寺名城以寺得名。廿六日夜。關城官軍出襲師冬營。別府晦日。又戰。社務文書。

○三年壬午北朝康永元年正月十四日。宗玄遣成田某陸奧。趣顯信親朝來援。秀仲亦與書親朝云。世人傳言。今歲運屬天下一紗。是衆人所遍知。莫復可容疑焉。然則貴門累世功績。播光華於海內者。其亦在今年歟。豈可不自重哉。抑出援之計。爾後有何良策。關下妻兩城。忠義不屈。然援兵猶復不至。恐其力不能守也。賊構營數所。兩城間。以絕我應援。可通兩城聲息者。纔有大寶湖上航舟一路耳。伊佐真壁中郡西明寺。抗節不撓。然特自守已。不遑策應。設使足下來援。

更復曠日遲緩則雖兩城亦生不測之變有不可思量者矣。為今之謀者急出輕騎四五百抵伊佐西明寺等地示大援繼至之形以破寇弱之膽而後踵發全軍與我兩城南北夾擊是必勝之術也。足下欲坐待兵衆自至而來赴徒延日月則兩城氣索力竭噬臍莫及。天下大事誠在斯時願足下決策赴援廿六日。又作書遺之意亦略同。白河文書○三月十一日宗玄顯時遣僧明王院白河告白河文書在本月內來援。又遣僧了哲趣之。且言二城動息。白河文書時陸奧國府為賊所

據顯信未能復之。同上秀慶堅扼三迫拒顯信故顯信亦不得來援。飯野文書廿八日宗玄發使陸奧乞援顯信親朝與親朝書云常陸官軍諸城忠誠不衰艱辛彌年所憑者獨陸奧之援已不及今援則後雖百方費力事不可為也。如老夫一身之計既付之天棄生報先朝固分當然顧老身亡後不知天下之事竟若何也。且今上專依賴坂東將士而親王亦在重圍中恢復護持之責悉皆一身所負荷是以未敢斷然就死也。按聖太子讖文今歲膺凶賊殲滅天下泰平

之運。然圍城今日之勢危如累卵。是以私心不能無所惑焉。但諦觀賊狀。其力亦易與。苟有後援。鏖之。非難事耳。是以客歲以來。頗煩致書。而卿以謂守城之困。未至如書所言。優游以糜歲月。以故老夫亦不欲復言也。然付命待時。老夫苦衷。亦有諒之。聞其地戰屢捷。未能復國。府歎使往。因聊言之。白河小田治文書。久在賊營中。恨師冬待遇少恩。至是密通城中。約復歸。頃而不果。然亦不敢為賊出力。同上。○四月。顯信率親朝子彈正少弼顯朝。擊秀慶于三迫。七日九日又

數戰。

白河文書

遂敗之。先是秀慶築砦據之。至是棄砦而

逃。官軍稍振。

阿蘇宮文書

顯信欲乘勢援常陸。謀之親朝。

先是尊氏遺書招親朝。廿七日。又致書云。降則土地

官職如故。是以親朝思慮迷錯。不肯從顯信之計。而

顯信亦不能來援。

白河文書

○五月五日。關城官軍出戰。

別府文書

六日。顯信使至關城。告三迫捷。且謂近日當與

親朝俱赴援。城中大悅。

白河文書

十二日。關城官軍又戰。

別府文書

廿六日。宇治惟時使齋書至。書中報西國動息。

二月十八日所發也。宗玄命秀仲作答書。亦告東國

近日濶狹。阿蘇宮 ○六月廿一日。賊攻大寶城。薄下

妻口。官軍擊卻之。別府 ○八月十二日。大寶官軍出

戰。別府 十八日。以關城糧食漸匱。且顯信來援未果。

宗玄遣僧白河趣援。併乞糧。白河 是月。伊達行朝族

及河村六郎。田村莊司。石川。石橋。南部。滴石等。與賊

戰于斯波岩手兩郡。斬賊裨貫出羽守。及其族。南部

櫻雲記為元年。且二書並云。行朝自戰。然當時行朝

復乞糧趣援。白河 十二日夜。賊襲關城。官軍擊卻之。

別府 ○十月十二日。宗玄與書親朝云。方今弓箭名

族凋喪殆盡。鎮守府將軍藤原朝臣以來。不墮家聲。

能相傳以至今日者。獨有卿一家已。卿欲揚天下之

譽。建萬世之功。莫若用力於今日也。倘及兩城已陷。

無復所施其功焉。夫以老夫菲薄。嘗蒙 先皇委託。

是以 今上所賴。親王所憑。悉皆以眇身任之。老夫

而死。天下勤王之師。一時土崩。卿能在斯時。出援立

功。則有太造於國家。孰復出其右。小山朝卿。向為官

軍所虜。卿先人以其宗故。請而宥之。然梟性未悛。負

恩助賊。卿欲以善道諭之。豈有歸正之意邪。大掾政
 光子。分為三族。卿祖日阿。望踰二兄。是以先朝治
 其舊蹤。擢卿下野。守護職。小山雖宗。寧可多讓乎。卿
 果能守義執節。奉皇命輔親王。則五代將軍之勲。
 殆可續紹矣。然則雖陞鎮守府將軍。亦容易耳。苟為
 不然。則喪家辱身。官褫地削。覆轍在前。前鑒不遠。卿
 其思之。先是親朝每以勸朝。卿相俱來赴。為出援遲
 延之解。故書中辯之也。白河文書是月親朝送金若干關
 城以充糧費。然其數無幾。將卒不給。同上十一月顯

朝付砂金十五兩僧道冊贈之。白河文書十二日宣宗遺
 書白河云。寒威日迫。城中衣食漸乏。宗祐雖多方營
 求。其力已窮。纔辨糧食。猶苦未足。而况有暇及衣服
 乎。是以將卒。往往有遠尋親戚。乞哀四方者。其艱可
 想。願足下別設一計。能致布帛之屬。以濟城中凍死。
 則為惠殊厚。或付直商買輩。令之代致衣物。亦能達
 之也。曩日霜臺付道冊。惠砂金十五兩。檢收已畢。言
 涉瑣屑。窘迫之態。亦在足下諒察之。霜臺謂顯朝。同上
 後宣宗又致書。告所見寄金錢有浮沈。其達不能如

原數。白河文書宗玄患親朝不援。遂希其萬一。遣小山族藤井出羽權守宗秀於小山。說朝卿以歸順。出援之事。朝卿答曰。當待親朝至。相共赴援。廿八日。宗玄與書親朝。告朝卿所答。復趣其援。同上○十二月廿一日。宗玄遣宣宗陸奧。趣顯信。及田村宗季。石川中務少輔詮光。亦及親朝。其與親朝書云。歲且暮矣。不圖猶在城中。復能迎新。兩城士堅忍操節。可嘉尚哉。然來援。誓緩如此。豈復堪其艱苦乎。今日情事。非庸人所當知而語也。是故遣宣宗。詣將軍許。併趣田村石川

諸人。殊告將軍。以雖單身。當必來援。倘卿不能自來。令子族輩從將軍而援。亦可也。且卿亦趣田村石川來赴。城中雖危苦不可言。然賊勢亦漸憊。莫有勁悍可畏之氣焉。加之京師擾亂。是其可乘之時也。詳細囑之。宣宗朝卿所答。前已告之。卿而來援。彼亦自至。將軍謂大將軍顯信。然顯信猶為秀慶所梗。終不得出援。同上。按京師擾亂。不知何事。櫻雲記云。延元三年九月。足利直義始與高師直有命。蓋言之。○四年癸未。北朝康二年正月廿六日。關城官軍出戰。別書。○二月廿五日。尊氏又與書親朝云。能擊陸奧官

軍有功。則建武二年以前所食地盡給之。於是親朝

意益懷兩端。文白河是月相馬賊從秀慶子義之寇白

河等諸城。文相馬○三月二日義之與官軍戰秀慶援

之。相馬家傳按六日關城官軍出戰九日又戰。文別府

小山朝卿通使城中謂曰願迎興良親王其城奉以

舉義宗玄與顯時議其可否未決親王久困于圍城

中意頗疲倦微聞其計遽走小山投朝卿然朝卿莫

復有舉兵之意也。文白河○四月三日賊將結城直朝

攻關城挺進薄壁官軍防戰太緊直朝重傷遂死。文白河

家譜結城文其族皆引還。文結城直朝下總結城氏。文結城

系圖廿四日又戰廿六日師冬驅賊兵搬運野草以填

關城塹又募礦夫數人橫鑿地道穿陷樓櫓植柵二

道每門外嚴塞官軍出路於是官軍亦自城中穿地

道奪草拔柵適賊地道崩塌有礦夫壓死者師冬知

其策無益而罷會其營中有流言曰信濃地方義兵

羣起所在驅逐賊黨賊聞其言懷土之念各切稍稍

脫而遁還攻兵漸減宗玄乃下教招岩城岩崎那須

等諸族而徃徃有欲應者亦不果先是大寶城遣使

陸奧募糧田村宗季其族穴澤成季共贈金若干至是關城糧食全竭伊達行朝移伊佐城糧給之纔可支一月云是月以廣橋經泰久無音耗一條具信遣書親朝問其消息併及小田治久在賊中近況白河文書顯信率白河等兵攻安達郡西根本宮等賊城拔之同○五月朔日守永親王至自吉野宗玄大悅迎入關城又奉以為主三日白河前月廿日所發書至云將士胥議將出援六日宗玄使其臣範忠關姓作報且與手書云斯境危急諺所謂迫喉也朝鄉到今無舉

義之意興良親王託跡賊中其艱可知本月朔有一親王至自吉野以故城中衆心少定卿果來援則未至失機會矣方今之務唯有乞援乞糧兩件而已時城中傳言尊氏使朝卿捕送興良親王宗玄聞之憂苦殊甚故書中及其事廿五日親朝使齎砂金七兩至以大寶城糧食尤乏宗玄命範忠致之且使右衛門尉為景關姓作報付使還之同上是月官軍與賊山路左衛門尉戰于陸奧糠部郡同上○六月五日宗玄與書顯信趣援先是秀慶屢誘親朝降親朝頗惑其言